

婦科

經水

熱入血室

崩漏

帶下

求子

轉胎

交腸

惡阻

胎水胎腫

胎漏

附胎 產

胎產併病

胎熱

難產

盤腸產

胎育

產後

師尼寡婦寒熱

名醫類案卷十一

名醫類案卷第十一

新都篁南江瑾集後學

仁和余集蓉裳
錢塘魏之琇王橫
仁和沈煥敦曾
歙鮑廷博以文
重校

經水

太倉公治一女病腰背痛少陰病兼太陽寒熱厥陰病兼少陽眾醫皆以寒

熱治公診之曰內寒內寒當作陰病解月事不下也即竄以藥旋

下病已病得之欲男子不可得也所以知其病者診其脉

時切之腎脉也嗇而不屬嗇而不屬者其來難堅氣鬱血滯而脉

結故曰月不下肝脉弦出左口相火熾盛脉乃上溢故曰欲男子不

可得也

秀按以上史記本文下所增入祇泛論無病之人乃以弦出左口爲血盛之脉與原文相背何耶

蓋男子以精爲主婦人以血爲主男子精盛則思室女子血盛則懷胎夫肝攝血者也厥陰弦出寸部又上魚際則

陰血盛可知矣

煇按此案已見腰痛門

東垣治一夫人病寒熱月事不至者數年矣又加喘嗽醫者悉以蛤蚧桂附等投之李曰不然夫人病陰爲陽所搏大忌溫劑以涼血和而之藥服自愈已而果然

一婦人年三十歲臨經預先臍腰痛甚則腹中亦痛經縮二三日以柴胡錢半羌活一錢丁香四分蝎一個當歸身一錢生地一錢都作一服水二盞煎至一盞去渣食前稍熱

服丁香本草言其辛散苦
降養陰治陰痛諸氣

一婦年三十餘因每洗浴後必用冷水淋通身又嘗大驚遂

患經來時必先小腹大痛口吐涎水經行後又吐水三日

其痛又倍至六七日經水止時方佳百藥不效久病診其脉

寸滑大而弦關尺皆弦大急尺小於關關小於寸所謂前

大後小也前大後小之故恐有表邪遂用香附三兩半夏二兩茯苓黃

芩各一兩半枳實元胡索牡丹皮人參當歸白朮桃仁各

一兩黃連七錢川練遠志甘草各半兩桂三錢吳茱萸錢

半分十五貼八薑汁兩蜆殼熱服之後用熱湯洗浴得微

汗乃已忌當風坐臥手足見水并喫生冷服三十貼全愈

半年後因驚憂其病復舉。新發故不用參朮腰腹時痛小便淋痛。

心惕惕驚悸意其表已解。冷水淋身之表病獨在裏先爲灸少冲。

手少陰心勞宮。心包絡崑崙。膀胱三陰交。足太陰脾止悸定痛次用桃仁。

承氣湯大下之下後用醋香附三兩醋蓬朮當歸身各一。

兩半醋三稜元胡索醋大黃醋青皮青木香茴香滑石木。

通桃仁各一兩烏藥甘草砂仁檳榔苦練各半兩木香吳。

茱萸各二錢分作二十貼八新取牛膝濕者二錢生薑五。

片用荷葉湯煎服愈。

一婦頭痛口乾經行後身痛腰甚痛以生地黃一錢白朮芍。

藥各一錢川芎歸身尾各五分炒栝灸甘草各三分。

一婦年二十餘，經閉二年，食少乏力，以黃連二錢，白朮錢半，陳皮滑石各一錢，黃芩五分，木通三分，桃仁十一個，炙甘草少許。

滑伯仁治一婦年三十，每經水將來三五日前，臍下疔痛如

刀刺狀，寒熱交作，下如黑豆汁，既而水下，因之無娠，脉二

尺沉澹，欲絕餘部皆弦急，曰：此由下焦寒溼。凡沈澹屬下焦寒溼邪

氣搏于衝任。衝任俱奇經衝爲血海，任主胞胎，爲血室，故經事

將來邪與血爭而作疔痛，寒氣生濁，下如豆汁，宜治下焦

遂以辛散苦溫理血藥爲劑，令先經期十日服之，凡三次

而邪去經調，是年有孕。

呂滄洲治一女在室，病不月，諸醫療皆不得其狀，視之腹大如娠，求其色脉，卽怪，語之曰：汝病非有異夢，則鬼靈所憑耳。女不答，趨入臥內，密語其侍姬曰：我去夏追涼廟廡下，薄暮過木神心動，是夕夢一男子如暮間所見者，卽我寢親狎，由是感病，我慚赧不敢以告人，醫言是也。姬以告呂，呂曰：女面色年作赤乍白者，愧也；脉乍大乍小者，祟也；病因與色脉符，雖劇無苦，乃以桃仁煎下血，類豚肝者六七枚，俱有竅如魚目，病已。

汪石山治一婦，年踰三十無子，診視其脉近和，惟尺部覺洪滑耳。曰：子宮有熱，血海不固也。其夫曰：然。每行人道，經水

卽來。乃喻以丹溪大補丸。加山茱萸、白龍骨、止澁之藥。以治其內。再以亂髮灰、白礬灰、黃連五倍子爲末。以治其隱處。果愈且孕。

丹溪治一婦年二十歲。兩月經不行。忽行。小腹痛。有塊血紫色。以白芍、白朮、陳皮各五錢。黃芩、川芎、木通各二錢。炙甘草少許。

一婦氣滯。血澁。脉不澁。經不調。或前或後。紫色。苦兩大腿外。

臙少陽經麻木。有時痒。生瘡。大便秘滯。以麻子仁、桃仁、去皮。

尖芍藥各二兩。生枳殼、白朮、歸頭、葳靈仙、訶子肉、生地、陳

皮各五錢。大黃治血澁煨七錢。大黃配訶子亦奇爲末。粥丸。

一婦年四十八歲，因有白帶、口渴，月經多，初來血黑色，後來血淡，倦怠，食少，臍上急。以白朮錢半，紅花、豆大，陳皮、白芍各一錢，木通、枳殼各五分，黃芩、砂仁、炙甘草各三分，共九味煎湯下。保和丸三十粒，抑青丸二十粒。

一女年十五，脈弦而大，不數，形肥。初夏時倦怠，月經來時多，此稟受弱，氣不足，攝血也。以白朮錢半，生芪、陳皮各一錢。

人參五錢，炒栢三分。虛而協熱

一婦年四十餘，月經不調，行時腹疼，行後又有三四日淋瀝，皆穢水，口渴，面黃，倦怠，無力。以白朮一兩，歸身、尾六錢，陳皮七錢，黃連三錢，木通二錢，生芪、黃芩各二錢，炙甘草一

錢分作八貼。下五靈脂丸四十粒。食前服。

一婦月經不勻。血紫色。來作痛。倦怠惡寒。爲人性急。以青皮五分。川芎黃芩牡丹皮茯苓各二錢。乾薑一錢。炙甘草五分。

一婦年二十歲。月事不勻。來時先腹隱疼。血紫色。食少無力。以白朮四錢。黃連陳皮各二錢半。牡丹皮二錢。木通黃芩人參茺蔚各錢半。炙甘草五分。分作四貼。水二盞。煎取小盞。食前服。

一婦年二十餘。形肥痞塞不食。每日臥至未。飲薄粥一盞。粥後必吐水半碗。仍復臥。經不通三月矣。前番通時。黑色脉

辰時寸關滑有力。午後關滑寸則否。詢之因乘怒飲食而然。遂以白朮兩半厚朴黃連枳實各一兩半夏茯苓陳皮山查人參滑石各八錢砂仁香附桃仁各半兩紅花二錢分作十貼。每日服一貼。各八薑汁二蜆殼間三日以神祐丸神秘沉香丸微下之。至十二日吐止食漸進。四十日平復如故。

一婦年三十餘形瘦亦痞不食吐水經不通。以前藥方加參朮歸爲君煎熟入竹瀝半盞薑汁服之。但不用神祐丸下之。亦平復。或咳嗽寒熱而經閉者當于紋門溼痰條求之。

子和治一婦人月事不行寒熱往來口乾頰赤喜飲旦暮間
咳一二聲諸醫皆用蚩蟲水蛭乾漆硝砂芫青紅娘子沒
藥血竭之類子和不然曰古方雖有此法奈病人服之必
臍腹發痛飲食不進乃命止藥飲食稍進內經曰二陽之
病發心脾心受之則血不流故不月也旣心受積熱宜抑
火升水流溼潤燥開胃進食乃涌出痰一二升下泄水五
六行溼水上下皆去血氣自然周流月事不爲水溼所隔
自依期而至矣不用蚩蟲水蛭有毒之藥如用之則月經
縱來小便反閉他證生矣凡精血不足宜補之以食大忌
有毒之藥偏勝而成天閼。

一婦人年三十餘經水不行寒熱往來

痰能作寒熱

面色痿黃

無表

症

唇焦頰赤時咳三兩聲向者所服之藥黑神散烏金丸

四物湯燒肝散鼈甲散建中湯寧肺散針艾百計轉劇家人意倦不欲求治子和憫之先涌痰五六升午前湧畢午後食進餘症悉除後三日復輕涌之又去痰一二升食益進不數日又下通經散瀉訖一二升後數日去死皮數重小者如麩片大者如葦膜不一月經水行神氣清健

吳茱山治一婦行經時著氣惱經過半月後得心腹腰脇痛不可忍醫作氣治以香燥止痛之劑服之愈不安診其脉弦急不勻早間行經著惱乃瘀血作痛也遂以四物入桃

仁紅花延胡索莪朮青皮之類。數服血通。其患已矣。

一女子經水過多。行後復行。面色痿黃。入倦無力。遂以歸身。

炒芍、熟地、川芎、荆芥、續斷、煨乾薑、炙甘草。數服而安。

一婦經事欲行。臍腹絞痛。臨行血澁。以四物入延胡索、檳榔。

青皮、香附子之類。數服痛除。

一婦行經色淡。若黃漿。心腹嘈雜。嘈雜爲痰飲。此脾胃溼痰故也。

以二陳湯合四物入細辛、蒼朮。數服卽止。

一女子經水下如黑豆汁。此絡中風熱也。經如黑豆汁。絡中風熱。妙斷。亦有

下焦寒溼。而經水如豆汁者。但症當寒熱腹痛。以四物加尺沈澁寸關弦。一爲寒溼。一爲風熱。須細辨。

黃芩、川連、荆芥穗、蔓荊子。治以辛涼苦寒理血之劑。數服血清色轉。

一婦經來適斷。寒熱往來。以小柴胡湯二服。寒熱即止。繼以四物湯數服而安。

一婦經血過多。得五心煩熱。日晡潮熱。諸藥不效。以四物加胡黃連三服而愈。

俞子容治一婦寡居。鬱結成疾。經事不行。體熱如炙。忽吐血。若泉湧。醫用止血藥不效。俞以茅草根搗汁濃磨沉香服至五錢許。日以醎醋貯瓶內火上炙。熱氣冲兩鼻孔。外治法佳

血始得降。下吐血不復作。經事乃行。吐血如泉止而不效。他人必用血脫益氣之說。今用降而愈。亦以寡居而經不行。氣升而不降。治法甚奇。當玩體熱如炙四字。蓋吐血湧泉。當四肢冷。未有體熱如炙者。

莫強中一侍人久病經阻發熱咳嗽倦怠不食憔悴骨立醫
往往作療疾治之勢甚危莫曰婦人以血爲本血榮自然
有生理因謝衆醫專服四物湯其法咬咀每慢火煮取清
汁帶熱以啜之空腹日三四服兩月餘經通疾如失

潘璟字溫叟名醫也診屯田郎中張譚妻年四十餘而天癸
不至潘察其脉曰明年血潰乃死旣而果然博按此條已見積塊門

石山治一婦瘦少年二十餘經水紫色或前或後臨行腹痛
惡寒喜熱或時感寒腹亦作痛脉皆細濡近滑兩尺重按
畧洪而滑汪曰血熱也或謂惡寒如此何謂爲熱曰熱極
似寒也遂用酒煮黃連四兩香附歸身尾各二兩五靈脂

一兩爲末粥丸空腹吞之而愈

一婦經行必瀉三日然後行診其脉皆濡弱曰此脾虛也脾屬血屬溼經水將動脾血已先流注血海然後下流爲經脾血既虧則虛而不能運行其溼令作茯苓白朮散每服二錢一日米飲調下二三次月餘經行不瀉矣

一婦產後經行不止或紅或白或淡病踰八月面色黃白性躁頭眩脚軟醫用參芪補藥病益加用止澁藥不效汪診之右脉濡弱無力左脉畧洪而駛曰右脉弱者非病也左脉偏盛遂覺右脉弱耳宜主左脉治以涼血之劑遂以生地白芍白朮各一錢黃芩阿膠歸身各八分陳皮香附川